



Broj: 01/3-50-1-29-5/04
Sarajevo, 21. januara 2004. godine

Z A P I S N I K
sa 5. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 21. januara 2004. godine

Sjednica je počela u 14 sati.

Sjednicom je predsjedavao Petar Kunić, predsjedavajući Komisije.

Sjednici su prisustvovali: Fatima Leho, Ibrahim Đedović, Mladen Potočnik i Nikola Kragulj.

Opravdano odsustvovali sa sjednice Momčilo Novaković i Hasan Muratović.

Sjednici nije prisustvovala Azra Hadžiahmetović.

Sjednici su prisustvovali Zijad Hasić, u svojstvu vršioca dužnosti sekretar Komisije za vanjsku trgovinu i carine u odsutnosti Emire Češljar sekretara Komisije, i Muhamed Mujakić, student završne godine Pravnog fakulteta i apsolvent Ekonomskog fakulteta u Sarajevu, učesnik u programu studentskog stažiranja u Parlamentarnoj skupštini Bosne i Hercegovine organiziranog od Nacionalnog demokratskog instituta za međunarodne odnose (NDI).

Za sjednicu Komisije je predložen i jednoglasno usvojen sljedeći

D N E V N I R E D

1. Usvajanje Zapisnika 4. sjednice Komisije
2. Prijedlog zaključaka povodom razmatranja pitanja "Aktuelno ekonomsko-socijalno stanje Bosne i Hercegovine, s posebnim osvrtom na zaštitu domaće proizvodnje
3. Razmatranje Prijedloga rezolucije o moratorijumu na primjenu sporazuma o slobodnoj trgovini, predlagač poslanik Momčilo Novaković
4. Tekuća pitanja.

Ad-1

Zapisnik sa 4. sjednice komisije usvojen jednoglasno bez primjedbi.

Ad-2**Prijedlog zaključaka povodom razmatranja pitanja "Aktuelno ekonomsko-socijalno stanje Bosne i Hercegovine, s posebnim osvrtom na zaštitu domaće proizvodnje"**

Predsjedavajući Komisije u uvodnim napomenama je rekao da je Predstavnički dom na 27. sjednici održanoj 29. decembra 2003. godine u okviru dnevnog reda razmatrao i vodio raspravu o "Aktuelno ekonomsko-socijalno stanje Bosne i Hercegovine, s posebnim osvrtom na zaštitu domaće proizvodnje".

Usvojenim zaključkom Dom je zadužio da, na bazi rasprave i predloženih zaključaka, Komisija Domu predloži Zaključke, koji će se nakon usvajanja uputiti Vijeću ministara Bosne i Hercegovine.

Osnov za raspravu bio je izvod iz transkripta sa navedene sjednice Doma o ovoj tački dnevnog reda, kao i radni materijal zaključaka, uručeni članovima Komisije, koje je predložio Momčilo Novaković.

U raspravi su učestvovali: Mladen Potočnik, Nikola Kragulj, Petar Kunić i Fatima Leho.

Mladen Potočnik je predložio da sjednicama Komisije ubuduće uvijek prisustvuju predstavnici resornih ministarstava o čemu se saglasio predsjedavajući Komisije

Fatima Leho ponovo je predložila da Komisija uputi pismo guverneru Centralne banke BiH u pravcu dobijanja mišljenja, uz prethodnu izmjenu Zakona o CB BiH, razmatranja mogućnosti osnivanja fonda za oživljavanje proizvodnje u kontekstu tačke 7. predloženih zaključaka. Predsjedavajući je predložio da nakon usvajanja zaključaka na Domu zajedno sa Mladenom Potočnikom napiše pismo i uputi na ruke guverneru Centralne banke.

Komisija je usvojila sljedeće Zaključke koje će predložiti Predstavničkom domu na razmatranje i usvajanje, te dostavljanje nadležnim organima za njihovo provođenje:

PRIJEDLOG ZAKLJUČAKA

1. Prima se na znanje informacija o prijedlogu strateških pravaca u cilu poboljšanja ekonomsko-socijalnog stanja u BiH, i vođenja vanjske trgovine i podrške izvozu,
2. Cijeneći ekonomsko-socijalno stanje u Bosni i Hercegovini kao veoma teško i složeno, zahtjevamo od vlasti Bosne i Hercegovine i entiteta da u okviru svoje nadležnosti sačine kratkoročne planove aktivnosti za prevazilaženje ovog stanja. U tom smislu u roku od tri mjeseca treba donijeti kratkoročne systemske mjere za poboljšanje poljoprivredne proizvodnje, proizvodnje energije i prerade drveta,
3. Predstavnički dom podržava sve aktivnosti izvršnih vlasti u Bosni i Hercegovini vezane za stvaranje uslova ubrzanog ekonomskog razvoja, jačanja kvaliteta i konkurentnosti domaće proizvodnje, stimulisanje priliva inostranih investicija te ubrzane integracione tokove BiH u Evropsku uniju i Svjetsku trgovinsku organizaciju,
4. Predstavnički dom izražava zabrinutost u vezi sa primjenom sporazuma o slobodnoj trgovini sa susjednim državama s obzirom da BiH ostvaruje sa nekim od njih četiri puta veći uvoz od izvoza, čime se znatno ugrožava domaća proizvodnja, posebno u agrarnom sektoru (poljoprivreda i prehrambena industrija). Imajući u vidu ovakvu situaciju, u okviru strategije razvoja treba ubrzano raditi na podsticaju domaće proizvodnje u cilju stvaranja barem približne ravnoteže.

Na tom tragu treba:

- a) pratiti primjenu Zakona o kontroli i kvalitetu uvoznih roba, posebno odredbe koje se odnose na starost, porijeklo i njihovu kvalitetu,
 - b) hitno osposobiti institucije za certifikaciju roba što je pretpostavka za pristup na strana tržišta,
 - c) uskladiti zakone iz oblasti veterinarstvene i fito higijene sa propisima Evropske unije, te osigurati sposobnost Zavoda za veterinarstvo za izdavanje potvrda o usklađenosti standarda poljoprivrednih proizvoda sa propisima evropske unije,
 - d) što prije donijeti pravilnike o kvalitetu i osposobljavanju odgovarajućih firmi za standarde koje moraju da zadovolje.
5. Vijeće ministara u saradnji sa vladama entiteta treba da predoči strategiju razvoja poljoprivrede i u cijelini sagleda spoljnotrgovinsku politiku i sačini operativni plan zaštite domaće proizvodnje u cilju trgovinskog balansa. Bosna i Hercegovina u postojećim okolnostima ne ubire plodove određenih komparativnih prednosti iako je evidentno da ih ima (drvo, el. energija, voda, rude, tekstil, metali i dr.) u odnosu na susjedne države.
6. Zadužuje se Vijeća ministara da:
- a) u saradnji sa vladama entiteta izradi analizu cijena poljoprivrednih proizvoda i ocjeni u kojoj mjeri su prisutni elementi dampainga i drugih vidova stumulacija od strane država izvoznica na tržište Bosne i Hercegovine kako bi se mogle primjeniti kompenzatorne mjere za eliminisanje negativnih uticaja na domaću proizvodnju,
 - b) da izvrši promjenu carinske tarife na svim onim stavkama koje ograničavaju stimulisanje domaće proizvodnje, (od repromaterijala, sirovina i dr.)
 - c) u što kraćem roku donese Odluku o uspostavljanju sapecijalizovanih prelaza za ulazak robe (poljoprivredno prehrambenih proizvoda) na kojima bi se provodila odgovarajuća kontrola,
 - d) da zabrani uvoz roba kojima uskoro ističe rok trajanja te uvede određene dažbine za one robe koje su konkurencija domaćoj proizvodnji a koje su subvencionisane u svojim zemljama,
 - e) da razmotri mogućnost uvođenja odgovarajućih kontigenata na bazi jasno utvrđene strategije.
7. Sugerije se vladama entiteta da osiguraju sredstva za podsticanje poljoprivredne proizvodnje u budžetima u visini od 3% društvenog proizvoda i sugerišu budžetskim korisnicima da u zadovoljavanju svojih potreba koriste domaće proizvode i usluge.
- U tu svrhu u koordinaciji Vijeća ministara sa vladama entiteta potrebno je razmotriti mogućnost osnivanja fondova za oživljavanje poljoprivredne proizvodnje. Parlament smatra na bi se značajan dio sredstava od kamata na devizna sredstva oročena kod ino banaka od strane Centralne banke Bosne i Hercegovine, mogao obezbjediti za ove namjene. U tom smislu, traži se mišljenje guvernera Centralne banke Bosne i Hercegovine.
8. U cilju prevazilaženja problema vezanih za isplatu penzija prema mjestu gdje su i ostvarene, a u smislu donesenih odluka Doma za ljudska prava, zadužuje se Vijeća ministara da u saradnji sa Vladom Federacije BiH hitno obezbjedi izvršenje Odluke Doma za ljudska prava.

Ad-3**Razmatranje Prijedloga rezolucije o moratorijumu na primjenu sporazuma o slobodnoj trgovini, predlaagač poslanik Momčilo Novaković**

Zaključkom Predstavničkog doma sa 26. sjednice održane 18. 12.2003. godine Rezolucija o moratorijumu na primjenu sporazuma o slobodnoj trgovini dostavljena je na razmatranje Komisiji 8. januara 2004.godine.

U raspravi su učestvovali: Petar Kunić, Fatima Leho i Nikola Kragulj. Konstatovano je da je Rezolucija bespredmetna iz razloga što je njen sadržaj obuhvaćen prijedlogom zaključaka sadržanih u tački 2. dnevnoga reda.

Komisija je jednoglasno zaključila da se u Izvještaju koji se podnesi Domu navede da je Rezolucija bespredmetna iz razloga što je njen sadržaj obuhvaćen prijedlogom zaključaka vezanih za ekonomsko-socijalno stanje u Bosni i Hercegovini.

Za izvjestioca u plenarnoj fazi imenuje se predsjedavajući Komisije.

Ad-4

Predsjedavajući Komisije je mišljenja da bi bilo dobro da se, imajući u vidu opći kaos na carinarnicama, kasnije formira grupa od tri člana koja bi bez najave obišla granične prijelaze. Ibrahim Đedović je napomenuo da je sličnu ideju imala Komisija u prošlom sazivu i da je on već u tom smisli postavio poslaničko pitanje.

Mladen Potočnik je predložio da se Vanjsko trgovačkoj komori BiH uputi pismo s molbom da se Komisija izvještava o bilansu izvozu i uvozu jedanputa mjesečno. Zadužuje se predsjedavajući da skupa sa Mladenom Potočnikom realizuje prijedlog. U tom smislu predsjedavajući je naveo da bi Komisija mogla jedanputa mjesečno imati sjednicu na kojoj bi se razmatrali ovi podaci i druge aktuelne stvari.

O navedenim prijedlozima nije se glasalo.

Muhamed Mujakić, student stažista, je mišljenja da Komisija predloži resornim ministarstvima formiranje poljoprivrednih stanica koje bi efikasno djelovale u pogledu poljoprivrednog razvoja.

Sjednica je završena u 15:30.

Za sekretara Komisije
dr. Zijad Hasić

Predsjedavajući Komisije
dr. Petar Kunić